

Na osnovu člana 68. stav 2. i člana 85. stav 1. alineja 2. Zakona o zaštiti okoliša ("Službene novine Federacije BiH", broj 33/03), ministrica Kantonalnog ministarstva građenja, prostornog uređenja i zaštite okoline u Vladi Unsko-sanskog kantona donosi

PRAVILNIK

o izmjenama pravilnika o izdavanju okolinske dozvole za pogone i postrojenja i druge planirane aktivnosti koje mogu značajno uticati na okoliš

Član 1.

U Pravilniku o izdavanju okolinske dozvole za pogone i postrojenja i druge planirane aktivnosti koje mogu značajno uticati na okoliš ("Službeni glasnik Unsko-sanskog kantona", broj 18/07), pod II - Pogoni i postrojenja i ostale planirane aktivnosti za koje se izdaje okolinska dozvola član 4. pod a) Energetika mijenja se i glasi:

"a) Energetika

1. Pogoni za sagorijevanje snage 1 do 10 MW,
2. Površinsko skladištenje fosilnih goriva sa skladišnim kapacitetom od 10.000 do 50.000 t,
3. Hidroelektrane sa instaliranom snagom manjom od 1 MW,
4. Industrijsko briketiranje uglja i lignita sa kapacitetom od 5.000 do 25.000 t,
5. Postrojenja za iskorištavanje pogonske snage vjetra za proizvodnju energije (vjetrenjače) sa snagom ispod 2 MW,
6. Motori sa unutarnjim sagorijevanjem sa snagom od 0,5 do 2 MW,
7. Površinska i podzemna skladišta nafte, naftnih derivata i plina zapremine ispod 5.000 t."

Član 2.

Izmjene ovog Pravilnika stupaju na snagu osmog dana od dana objavljivanja u "Službenom glasniku Unsko-sanskog kantona".

Broj 11-02-12867-3/07

21. maja 2008. godine

B i h a ć

Ministrica
Nada Azinović, dipl. prav